



Broj predmeta: 13-002002/23
Broj akta: 01.1-1528ZN-0027/24
Datum, 12. 3. 2024.. godine
Mjesto, Brčko

Na osnovu člana 17 stav (2) Zakona o Vladi Brčko distrikta BiH („Službeni glasnik Brčko distrikta BiH“, broj: 27/23-prečišćeni tekst), u skladu s članovima 25. i 70. stav (3) Zakona o javnim nabavkama („Službeni glasnik BiH“, broj 39/14 i 59/22), člana 24. stav (3) Instrukcije o organizaciji i internom postupanju u postupcima javnih nabavki u Brčko distriktu BiH („Službeni glasnik Brčko distrikta BiH“, broj: 3/2023), Zapisnika o pregledu i ocjeni ponuda ponuda sa preporukom broj: 13-002002/23 od 21.02.2024. godine i Mišljenja Pravobranilaštva Brčko distrikta BiH broj: M-1031/23-1 od 07.03.2024.godine, gradonačelnik Brčko distrikta BiH d o n o s i,

ODLUKU O IZBORU NAJPOVOLJNIJEG PONUĐAČA

Član 1.

U provedenom otvorenom postupku, za nabavku naoružanja za potrebe Policije Brčko distrikta BiH, izabran je najpovoljniji ponuđač kojemu se dodjeljuje ugovor.

Naziv najpovoljnijeg ponuđača je:

„SHOT“ d.o.o. Zenica

Vrijednost ugovora sa uračunatim PDV-om iznosi

89.996,40 KM.

Član 2.

Postupak je proveden na osnovu Odluke o pokretanju postupka javne nabavke broj: 14.04.1-13-1145/23 od 05.07.2023. godine, Obavještenja o nabavci na portalu javnih nabavki broj: 1157-1-1-301-3-521/23 od 17.08.2023. godine, specifikacije robe u vezi sa Tenderskom dokumentacijom broj: 13-002002/23 i ponude ponuđača.

Član 3.

Finansiranje nabavke za iz člana 1. ove Odluke će biti izvršeno iz Kapitalnog budžeta za 2023.godinu, organizacioni kod: 13010001 – Uniformisana, Krim. Policija i dr., ekonomski kod: 821300, šifra projekta: 13981 – Automatsko oružje (jurišna puška) i šifra projekta: 13979 – Oružje (snajperska puška).

Obrazloženje

Dana 29.09.2023. godine svi ponuđači učesnici u predmetnom postupku su obaviješteni o rezultatima postupka, odnosno o donošenju Odluke o izboru najpovoljnijeg ponuđača broj: 13-002002/23 (broj akta: 01.1-1528ZN-0007/23) od 20.09.2023. godine.

Dana 09.10.2023. godine ponuđač - učesnik u predmetnom postupku “DANIAL S” d.o.o Tešanj je uputio žalbu na Odluku o izboru najpovoljnijeg ponuđača, gore navedeni broj i datum,

U svojoj žalbi žalilac je izrazio nezadovoljstvo činjenicom da je njegova ponuda odbačena zbog toga što je komisija za ocjenu prihvatljivosti ponuda ocijenila da ponuda nije prihvatljiva jer ne ispunjava minimalne uslove propisane tehničkom specifikacijom. Po mišljenju žalioca, komisija za ocjenu ponuda je pogrešno ocijenila da ponuda žalioca nije prihvatljiva i da ne odgovara tehničkoj specifikaciji, te navodi da kataloška dokumentacija koja je dostavljena u ponudi sadrži slike i detaljan opis sporne automatske puške SG 553 proizvođača Sig Sauer koja je predmet isporuke i sadrži sve karakteristike propisane tehničkom specifikacijom.

Žalilac u svojoj žalbi navodi i da je komisija za ocjenu ponuda pogrešno ocijenila ponudu drugog učesnika u ovom postupku nabavke kao prihvatljivu, ističući da je ugovorni organ zahtijevao da ponuđenu opremu čini cijeli komplet snajperske puške - 11 dijelova (različitih proizvođača) i uputstvo za korištenje, a da je izabrani ponuđač dostavio samo potvrdu proizvođača Surgeon Rifles da je ovlašten nuditi proizvode ovog proizvođača, ali nije dostavio potvrde ostalih proizvođača za dodatnu opremu koja čini komplet sporne puške, te shodno tome, po mišljenju žalioca, komisija za ocjenu ponuda je trebala ponudu drugog učesnika u ovom postupku odbaciti kao neprihvatljivu.

S obzirom na navedeno, žalilac je zahtijevao da ugovorni organ poništi navedenu Odluku o izboru najpovoljnijeg ponuđača, a ukoliko to ne učini, žalilac je predložio da se žalba dostavi Uredu za razmatranje žalbi koji treba da usvoji žalbu, poništi Odluku o izboru najpovoljnijeg ponuđača i predmet vrati ugovornom organu na ponovni postupak.

Ugovorni organ je svojim Izjašnjenjem broj akta: 01.1-1528ZN-0013/23 od 19.10.2023. godine odbacio žalbu kao neosnovanu, te je isto Izjašnjenje skupa sa ostalom relevantnom dokumentacijom poslato Uredu za razmatranje žalbi u Sarajevu.

Dana 18.12.2023. godine je u Pododjeljenju za javne nabavke zaprimljeno Rješenje Ureda za razmatranje žalbi broj: JN2-01-07-1-3044-10/23 od 06.12.2024. godine.

Nakon zaprimljenog Rješenja Ureda za razmatranje žalbi broj: JN2-01-07-1-3044-10/23 od 06.12.2024. godine, komisija za javne nabavke se sastala dana 15.01.2024 godine i razmotrila dostavljeno Rješenje kojim je usvojena žalba žalioca, poništena Odluka o izboru najpovoljnijeg ponuđača br. 13-002002/23 (01.1-1528ZN-0007/23 od 20.09.2023. godine) i predmet vraćen ugovornom organu na ponovni postupak.

Na sastanku je zaključeno da će stručna komisija ponovo izvršiti stručnu ocjenu u skladu sa Rješenjem, te da će po uputama Ureda za razmatranje žalbi izvršiti novu ocjenu ponuda.

Komisija je pristupila ponovnoj analizi dostavljenih ponuda i u cilju pravilne ocjene istih, a po navodima žalbe žalioca, zatražena su dodatna pojašnjenja od proizvođača Sig Sauer i ponuđača Shot doo Zenica.

Jedinica specijalne policije, Policije Brčko distrikta BiH je proizvođaču Sig Sauer uputila zahtjev za pojašnjenje tehničkih specifikacija i karakteristika sporne automatske puške SG 553. Na osnovu odgovora ovog proizvođača potvrđeno je da postoje tehnički nedostaci ponuđene sporne puške u ponudi žalioca, kako je komisija i ocijenila prvobitno u prvoj analizi i ocjeni ponuda.

Postupajući po drugom navodu žalbe žalioca, kojom je isti tvrdio da je ponudu izabranog ponuđača Shot d.o.o Zenica trebalo ocijeniti kao neprihvatljivu iz razloga što je dostavio samo potvrdu proizvođača Surgeon Rifles da je ovlašten nuditi proizvode ovog proizvođača, ali nije dostavio potvrde ostalih proizvođača za dodatnu opremu koja čini komplet sporne snajperske puške, Komisija za javne nabavke je uputila zahtjev za pojašnjenje ponude ovom ponuđaču, tražeći da se izjasni da li se dostavljeno ovlaštenje proizvođača Surgeon Rifles odnosi na cijeli komplet snajperske puške, uvažavajući činjenicu da su pojedini dijelovi kompleta proizvedeni od strane drugih proizvođača. Tačnije, da li ovlaštenjem proizvođača Surgeon Rifles dokazuju da su ovlašteni da nude i prateću

opremu drugih proizvođača iz kompleta snajperske puške. Ponuđač se u svom odgovoru izjasnio da se dostavljeno ovlaštenje izdato od strane proizvođača Surgeon Rifles odnosi na cijeli komplet snajperske puške, odnosno navedeno ovlaštenje predstavlja i podrazumijeva ovlaštenje za svaki dio koji firma Surgeon Rifles isporučuje (pojedinačno ili u kompletu) čime se dokazuje da su ovlašteni da nude prateću opremu drugih proizvođača iz kompleta sporne puške.

Nakon izvršene ponovne detaljne analize i ocjene dostavljenih ponuda, te upućenih upita i zahtjeva za dodatna pojašnjenja proizvođaču Sig Sauer i ponuđaču Shot doo Zenica, stručna komisija imenovana ispred Policije Brčko distrikta BiH je sačinila Zapisnik u kome navodi da nakon svih dodatnih provjera i ponovljene analize, komisija ostaje pri istom mišljenju i daje preporuku da se ponuda žalioca Danial S doo Tešanj odbacuje kao neprihvatljiva, te da ponudu drugog ponuđača Shot doo Zenica ocjenjuje kao prihvatljivu.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Ponuđačima,
3. Gradonačelniku,
4. Policiji,
5. Arhivi.



